

14 MEI 2018

170kg ketum cuba diseludup ke Thailand dirampas



170kg ketum cuba diseludup ke Thailand dirampas

ALOR SETAR 13 Mei - Markas 6 Briged melalui Pasukan Rondaan Batalion Kedua Rejimen Renjer Diraja (2RRD) merampas 170 kilogram (kg) daun ketum bernilai RM15,300 dipercayai untuk diseludup ke negara Jiran semalam.

Panglima 6 Briged, Brigedier Jeneral Abdul Aziz Ismail berkata, pasukan tersebut menemukan tujuh bungkusan guni berwarna putih ketika melakukan rondaan di sekitar kawasan berhampiran Pos Sahara pada pukul 9.30 pagi.

"Hasil pemeriksaan mendapati kira-kira 1,500 ikat daun ketum

seberat 170kg dengan nilai dianggarkan RM15,300.

"Penyeludupan daun ketum ke negara jiran ini semakin berleluasa disebabkan permintaan dan harga yang tinggi yang mana sekilogram daun ketum berharga RM90," katanya dalam kenyataan hari ini.

Bagaimanapun menurut Abdul Aziz, tiada tangkapan dilakukan ketika pasukan rondaan melakukan pemeriksaan terhadap barangan yang dirampas.

"Daun ketum yang dirampas telah dibawa ke Ibu pejabat Polis Daerah Kuala Nerang untuk tindakan lanjut," jelasnya.